

KENYATAAN RASMI
KRISIS COVID-19: KEMASUKAN PELAJAR SECARA FIZIKAL KE KAMPUS
BAGI SEMESTER II, SESI AKADEMIK 2020/2021

1. Selaras dengan kenyataan media yang dikeluarkan oleh Kementerian Pengajian Tinggi (KPT) pada 31 Januari 2021 yang berkaitan dengan Kemasukan Semula Pelajar Secara Fizikal Bermula 1 Mac 2021, Universiti Malaysia Pahang (UMP) telah bersetuju membuat keputusan seperti berikut:

1.1 Kemasukan Semula Pelajar ke Kampus

- a) Kategori pelajar (termasuk pelajar antarabangsa kecuali dari United Kingdom) dikehendaki kembali ke kampus secara fizikal adalah seperti berikut:

Pelajar yang memerlukan praktikal, makmal, latihan amali, bengkel dan peralatan khas seperti program berikut:

- i. Semua Pelajar Program Teknologi (termasuk pelajar baharu kemasukan Februari bagi Semester II, Sesi Akademik 2020/2021);
- ii. Semua Pelajar Program Kerjasama UMP-Universiti Jerman (termasuk pelajar baharu kemasukan Februari bagi Semester II, Sesi Akademik 2020/2021);
- iii. Pelajar Tahun 3, Program Teknologi Kejuruteraan;
- iv. Pelajar Tahun 3, Program Pengurusan Teknologi Industri;
- v. Pelajar Tahun 3, Fakulti Sains Teknologi Industri;
- vi. Pelajar Tahun Akhir, Kolej Kejuruteraan;
- vii. Pelajar Tahun Akhir (Tahun 2, Sesi Akademik 2020/2021), Program Diploma; dan
- viii. Pelajar baharu antarabangsa Kemasukan Sesi Akademik 2020/2021 (kecuali dari United Kingdom).

Nota:

Pelajar antarabangsa yang dikehendaki kembali ke kampus secara fizikal perlu menjalani kuarantin wajib dan tertakluk kepada Prosedur Operasi Standard (SOP), Majlis Keselamatan Negara (MKN).

- b) Kategori pelajar yang boleh memohon kebenaran kembali ke kampus secara fizikal adalah seperti berikut:
- i. Pelajar yang tidak mempunyai akses Internet dan yang tidak mempunyai persekitaran pembelajaran yang kondusif bagi melaksanakan Pengajaran dan Pembelajaran (PdP) dalam talian (*online*);

Nota:

*Pelajar dikehendaki melengkapkan borang permohonan yang akan dikeluarkan oleh Jabatan Hal Ehwal Akademik dan Antarabangsa (JHEAA) sebelum atau pada **7 Februari 2021** melalui pautan: <https://forms.gle/QryLUxn2UFPADroA8>. Pelajar boleh menghubungi JHEAA di talian 09-424 5450 untuk mengetahui keputusan permohonan kembali ke kampus bermula **10 Februari 2021**.*

- ii. Pelajar Berkeperluan Khas (OKU);
- iii. Pelajar pascasiswazah yang berkeperluan dengan aktiviti makmal; dan
- iv. Pelajar yang menduduki peperiksaan Malaysia University English Test (MUET), antarabangsa dan badan profesional.

Nota:

Senarai pelajar yang terlibat dengan peperiksaan MUET dan SOP yang berkaitan, perlu dirujuk kepada Pusat Bahasa Moden (PBM), UMP.

1.2 Pergerakan Kemasukan Pelajar ke Kampus

Bagi tujuan kemasukan pelajar secara fizikal dan pelaksanaan proses isolasi di universiti, kehadiran pelajar ke kampus akan dilaksanakan secara berperingkat seperti berikut:

- i. Pelajar kanan dari Semenanjung Malaysia boleh memilih hadir ke kampus pada **15, 16, 17, dan 18 Februari 2021**.
- ii. Pelajar kanan dari Sabah, Sarawak dan Labuan, pelajar perlu mematuhi syarat-syarat yang ditetapkan oleh pihak berkuasa negeri masing-masing sebelum hadir ke kampus pada **1 Mac 2021**.
- iii. Pelajar baharu kemasukan Februari Semester II, Sesi Akademik 2020/2021 bagi Program Sarjana Muda Teknologi dan Program Kerjasama UMP-Jerman akan mendaftar dan hadir ke kampus seperti tarikh yang dinyatakan dalam surat tawaran.

Pelajar yang terlibat dalam perkara 1.1 (a dan b) dikehendaki mengisi tarikh pelajar akan kembali ke Kampus melalui <https://community.ump.edu.my>>**Sistem Pulang Ke Kampus** yang akan dibuka mulai 4 Februari 2021 bagi tujuan penyelarasan kemasukan ke universiti. Walau bagaimanapun, kapasiti pelajar yang boleh hadir ke kampus pada tarikh-tarikh yang ditetapkan adalah bergantung kepada keputusan universiti dari semasa ke semasa. Pelajar boleh memuat turun Surat Kebenaran Merentas Negeri apabila pelajar selesai melengkapkan pengisian maklumat tarikh pelajar kembali ke kampus berkenaan.

1.3 Kaedah Pengajaran dan Pembelajaran

Bagi program pengajian prasiswazah dan pascasiswazah (mod kerja kursus), kaedah pengajaran dan pembelajaran akan dilaksanakan adalah secara dalam talian atau bersemuka (mengikut keperluan kursus) dengan mematuhi sepenuhnya SOP yang telah ditetapkan. Para pelajar perlu mengutamakan langkah keselamatan dengan mengamalkan pembudayaan normal baharu seperti sentiasa memakai pelitup muka, memakai cecair pembasmi kuman dan menjaga penjarakan fizikal.

Bagi para pelajar yang memerlukan keterangan lanjut, boleh menghubungi Bilik Gerakan, UMP di talian 09-549 3333 (UMP Kampus Gambang) dan 09-424 6999 (UMP Pekan) untuk mendapatkan sebarang khidmat nasihat dan prosedur yang berkaitan.

**Dikeluarkan oleh:
Unit Komunikasi Korporat
Pejabat Naib Canselor
Universiti Malaysia Pahang
2 Februari 2021**